

幼科雜症繩墨

泰州戴榮紹著

下卷幼科雜症

頭項症

小兒之頭四時宜涼如其過熱則有所傷疎風退熱
詳症用方抱龍最妙瀉青亦減頭顱腫大青筋顯露
是為髓熱瀉青可酌顱腫高起熱積于中熱蒸鬱勃
其氣上冲治之有法退熱疎風或以瀉青或以抱龍
顱門下陷久病所生臟腑虛弱氣不上升參苓白朮
丸名極補陽精如成疳疾集聖為寧

顛門開解腎臟虧傷內服之藥丸名地黄外封有法
南星製霜醋攤綿帛烘貼為良

病名解顛症極危險

小兒生下遽見顛軟胎氣不足地黄丸緩如其無故
項軟忽然肝熱有風瀉青為先其或久病天柱骨倒
危極之候治勿草草大補氣血八物湯為寶間
以蠶僵調服亦好

蠶研末

目疾

黑珠屬肝白珠屬肺瞳人屬兩腎眥屬心兩胞屬脾
此五目之所屬也

荆

秘

兒生目閉胎熱蘊臟內服之葯生地黄湯急用熊胆
蒸水洗眶一日七次緩則目傷其或月內兩胞赤爛
拭洗未淨穢污浸貫害及兩眦至長不斷洗芩芥湯
點真金散生下日久目忽不見是名雀目肝虛之變
地髓之湯服之有驗猪羊之肝尤為勿厭目內赤者
熱屬心家導赤之散黃連宜加戴傳之法涼驚丸誇
煎湯送服借取菊花目內黃者或目胞腫脾熱之因
瀉黃為重凡兒病熱喜暗羞明清陽湯名散大風熱
可輕有因咳久目眶紫墨恍若損傷珠如血色玉液
之丹服之有力外貼之方黑豆地黃黑豆水浸共研

成膏敷貼臍上不日即效眼如血淚用之亦妙

有見目症或閉或開新久病際風自肝來肝通于目
風來快哉瀉青九子是可主裁亦有肝風目中熱逼
障其筋脈不能轉側兩眦皆繫故其視直治之方
瀉青亦得更育痘後目生翳障毒氣所侵切勿孟浪
穀精草散最平肝臟煮以猪肝連湯相餉若因吐瀉
白膜已生閉而不視光無晶瑩肝臟告竭神水如傾
是為難治不日失明惟彼驚風初見救平其目邪視
不能轉睛用彼灸法治之是精風池二穴左右分行

左邪灸右右邪灸左



耳疾 其竅通腎耳珠前屬少陽

凡耳之疾五者不同推其原始皆屬腎宮腎經氣實熱氣上冲津液壅結乃化為膿或因沐浴水入耳中釀為膿臭不治成聾內服之藥荊芥蔓荊子湯為功外吹以散骨取手用龍骨散

耳珠前後濕熱生瘡黃柏散子治之良方耳旁赤腫熱毒所傷敗毒之散消毒之湯外敷敗毒散內服消毒散最妙急宜醫治勿令延長

耳暴聾者氣閉不通丸取通竅傾刻見功百蟲入耳治法攸同香油浸灌出也融融

鼻疾

為涕

鼻為肺竅皮毛合德風寒外侵氣乃壅隔肺氣不疎
乃為鼻塞川芎之丸治之最得鼻涕之生寒邪之留
久而不散津液不收庸是涕漣無休細辛散用厥疾
乃瘳有名鼻齟風寒久受膿涕結聚不知香臭萬金
之膏芳香通腠用以治之最為入穀以上三症疎利
為宜加味麗澤加味麗澤通竅散亦可兼施第十三
句原本原缺一字

鼻乾燥者心脾熱蒸肺液枯涸抱龍可憑 抱龍丸以
導赤散煎湯送下

黑燥而張冷氣外凌此為肺絕能者無能鼻流清涕
極其腥臭熱移于腦鼻淵之候又名腦崩急宜治救
辛夷散子用之不謬有名鼻衄鼻中出血此因五臟
素有積熱血隨氣行熱則妄決吹鼻地黃外用吹鼻
散內服地黃湯是為妙訣戴傳之方治彼鼻衄神弓
之丸茅花煎服

兒生數日忽爾鼻塞呼吸不通吮乳不得此因母睡
鼻孔出息吹兒顙門乃生斯疾或因洗浴冷水所逼
或不避風中彼邪賊凡此之由變生即刻散取通關
貼之無惑又有熱肝中之即得治擬清涼羚羊青黛



石斛麥冬皆可加入

口疾口者脾之竅唇內應之

小兒滿口舌生白屑是名鵝口心脾積熱涼驚內服
鵝涎蘸拭保命之丹吹之亦得或用白鵝白朮與吸
掃糞燒灰吹之妙絕亦有熱瘡滿口赤痕胎稟素厚
調養過溫心脾積熱口熱如燔一連可敷一連散用
地雞草糯米調敷涼驚可吞

滿口潰爛是曰口糜膀胱之熱小腸來移熱壅腸膈
蒸舌為痂是宜導瀉先後取施用彼導赤熱去小腸
更以五苓瀉去膀胱或以導赤五苓煎湯雙方並用

治之亦良大抵口瘡涼驚洗心先後取用指南之針
倘然無效厥疾乃深肝脾氣弱虛火上臨理中主治
勿令疴沉吹以桂朮 葯無方是名元焦 脾所傷
叔和有訣散服回陽有吐瀉後口舌生瘡亦屬虛火
理中之湯凡兒上齟物如懸癰是名重齟脾胃熱攻
津液失斂惡血濛籠急用針刺使空其中涼膈碧血
內服涼膈散外用碧血散治之最工症見輕者涼驚

為功

上空二字原本缺

凡兒流涎浸潰胸前脾胃虛冷津液涓涓厥名滯頤
中土宜堅溫脾散子服之當然

兒口頻提是氣不和肺為氣主脾屬黃婆母虛子弱
脾為肺之母母虛則不能養子乃生是疴異攻之散
舍此靡他

凡兒口撮面青多啼啼者為何痛繞于臍臍下痛也
肝脾之症理中之劑用之無誤足保孩提

舌疾

心氣通舌內經所詳心氣通于舌而主血脾絡舌底

亦係兩傍脾之脈絡亦係舌根出舌下亦係兩旁心

脈肝之脈絡係舌根大抵舌下心脾之網心脾有熱

氣血俱張乃生重舌舌根中央其形短小其害甚

長

長針去惡血散服膈涼吹之以木黃柏蒲黃內服涼
 膈散用刺去惡血黃柏蒲黃末吹之又木舌心脾
 積熱舌腫滋大塞口阻咽散服涼膈刺去惡血竹瀝
 取數丹名碧血弄舌之症以脾為準脾有微熱令舌
 微緊舌脰緊也時時飮吐熱之所以苦寒下劑勿取
 其敏瀉黃之湯少少與吮若至飲水而面白眈脾胃
 虛損其熱乃上虛熱也切勿誤認冷藥相釀白朮散
 兒中宮培養又凡小兒肌瘦面黃五心煩熱弄舌如
 常此為疳症脾肝久傷集聖九子試取與嘗若經大
 病調以葯湯忽然弄舌少吉多殃諸等證治輕心勿



將有如舌上白瘡遍生丹田之下積熱而成外敷碧血內服涼驚

舌上苔色頗有歧異古鑑一書言之甚細今取黑白畧詳其義白為虛熱理中可試黑色之生熱極之至薄荷其先洗心其次涼膈之投輕重易勢紅轉者生否為不治

牙齒疾 上牙屬胃下牙屬大腸齒屬腎

齒生遲 腎主乎骨骨餘為齒齒為骨之餘不足於腎則虧其髓髓既不充齒亦遲起兒齒遲生地黃丸

子

床為

牙麻腫 牙麻上下腫痛赤微此陰損陽熱細縕涼

隔之劑大黃為君石膏知母頻頻與吞

重齕 重齕之症熱積腎經附齕腫痛片刻無寧針

去惡血拭其臭腥鹽湯洗漱黃蘗調浸黃蘗末吹之

牙齕臭 兒食肉多齕臭乃見陽明之熱有此傳變

內服之九神效立驗內服神效丸外以地黃荆瀝同

氣

薦薑汁再加時時含嚥

牙疳 牙疳之症狀如狐惑初作口臭名曰臭息次

則牙黑甚則爛蝕牙齕內爛血餅流來息露可識名

曰息露 此症之腎經熱克蒸及之上焦迅速有力走

幼科雜症綱目 雜症 七



馬之名緣斯而得黃柏為功如聖取則內服黃柏丸
外吹如聖散若其過甚臭爛之極上下唇穿鼻破齒
側有齒落者氣喘痰潮不思飲食是名崩砂變生傾
刻此為不治之症

咬牙 咬牙之症風熱所干陽明大腸手足一般熱
積風起風與熱搏搏擊作響夢裡常看宣風散子服
之乃安惟是痘後咬牙成聲脾土弱者險極堪驚其
他病後此症忽生治其本者自卜安貞

齒落久不生新牙 凡兒齒落久不更生是由舌紙
肉厚而平針刺見血鼠骨須擒燒灰入麝新牙乃生

喉

咽喉疾

咽者胃腕主納水穀喉者肺腕呼吸出入

咽喉之地一身之綱若在胸膈熱毒蘊藏風疾乃起
壅遏其吭是宜急救延則莫當咽喉之疾種種難詳
其因皆熱其藥辛涼甘桔之劑化毒之湯輕重取試
為工之良如在痘疹咽喉痛深是為熱毒灼熱上侵
古方有法甘桔滋陰所恐傷氣加以人參

骨鯁

大骨為鯁鵝翎掃喉掃之使吐方取海上或

用祝由

誤吞稻麥芒

稻麥之芒入喉為變但取鵝涎滴之

使咽

或云靈仙胡麻酒煎諸般硬刺一服如綿

形聲諸病形者身體髮膚之類聲者言語聲音之

類

髮遲 頭髮遲生而成黃腎衰血少地髓可將

行遲 行遲之病肝腎之萌肝與筋合腎與骨並筋

血不足骨髓不盈骨無精養筋無氣縈筋束不固筋

不束骨 骨軟難行地黃加味益氣生精

脚細 受稟不足血氣不充肌肉薄瘦骨節玲瓏顯

露于外 有如鶴脚不任東西不能健步元臟虛損地

體為功

手足軟 凡大病後手足軟弱或驚風後四肢痿緩

脾氣不疏腎真亦短加味黃地黄善與調款

龜胸龜背

參上卷

咳久肺張胸高腫起加減葶藶

治之可已

參類驚篇

龜背屈曲客風入脊鑽入骨體

多成痼疾何以治之肺膈二俞膈俞在第二椎骨兩

旁各寸半肺俞在第三椎骨兩旁各寸半灸之愈

語遲

兒在胎時母受驚風邪乘于心傳于胞宮心

神不足榮血不充菖蒲九子神竅可通

因病不語驚風不語痰氣不疏心竅迷塞九以菖

蒲卒冒風寒邪氣入肺聲音不通瀉白加味若經

大病泄瀉之餘聲不能言腎怯可虞治之之法舍補

